

# Misiona mo Auaunaga: O se Taiala mo Taitai o Misiona mo Auaunaga

O lenei pepa o faamatalaga o loo i ai le aotelega pu'upu'u o le polokalama ma lau matafaioi o se taitai o misiona mo auaunaga.

## Faifeautalai o Auaunaga

O nisi o alii ma tamaitai talavou matutua agavaa o e e mananao e auauna atu i se misiona ua le mafai ona auauna atu i se misiona tala'i. O le polokalama a faifeautalai o auaunaga e faatagaina ai i latou e faaoga a latou taleni ma agavaa e auauna ai i le Alii i isi auala taua.

E le mafai e faifeautalai o auaunaga ona auauna atu i misiona tala'i mo ni mafuaaga o le soifua maloloina faaletino pe faalelagona pe mo nisi tulaga. Atonu o latou foi ia e vave o mai i le fale mai misiona talai mo mafuaaga lava na e tasi. O tulaga faatonuina mo le agavaa e tutusa mo faifeautalai uma.

E le manaomia ni misiona mo auaunaga e i latou ua tuusaunoa mai misiona talai. E le tatau ona i ai se tasi e lagona le faamalosia e auauna atu. O misiona mo auaunaga o se filifiliga mo i latou o e mananao e auauna i le Alii i lenei ala.

## O Lau Matafaioi

I le avea ai ma se taitai o misiona mo auaunaga e te auauna atu o se fesootaiga taua i le va o le peresitene o le siteki, tagata e ono avea ma faifeautalai o auaunaga, faifeautalai o auaunaga, paaga o le lotoifale ma faalapotopotoga agaalofa, ma faatautaiga a le Ekalesia i le sailia o tofiga i le lumanai ma ia faafetauia faifeautalai o auaunaga i tofiga e sili ona lelei mo o latou tulaga tulagaese. O le a e fesoasoani i faifeautalai o auaunaga ia faafetauia faamoemoega o le faalapotopotoga latou te auauna ai.

O le a e fesoasoani foi i peresitene o siteki i le iloiloina e le aunoa o le alualu i luma ma le manuia o faifeautalai o auaunaga. O le peresitene o le siteki e nafa ma tulaga faaleEkalesia mo faifeautalai o auaunaga i lana siteki.

O pule o le faatautaiga o galuega e nafa ma faalapotopotoga o auaunaga a le Ekalesia ma le lotoifale. O ia vaega e mafai ona i ai se faleteuolua a epikopo po o se tunoa mo supo [o se nofoaga e fafaga ai tagata e fia maua le fesoasoani], faatasi ai ma isi. O pule o le faatautaiga o galuega e fesoasoani i faifeautalai o auaunaga taitasi ia maua se aafiaga taua ao auauna ai i le nofoaga e atofaina i ai. Latou te faamalosia le tautinoga faaletagata lava ia a le faifeautalai o auaunaga i tulaga faatonuina o loo i le *Service Missionary Handbook*.



## O Ou Tiutetauave

E fa ou tiutetauave taua lava:

- la faafesootai atu i vaiaso taitasi i faifeautalai o auaunaga uma e ala i fegalegaleaiga faafesagai ma/pe ala i auala faaeletonika. la faia e le aunoa ia faatalanoaga o le alulau i luma o faifeautalai taitasi. la malamalama pe o faapei o latou lagona e uiga i o latou tofiga, pe afai o le a latou o, ma pe o fiafia i ai.
- la iloilo ma le pule o le faatautaiga o galuega pe o a mai ia faifeautalai o auaunaga. Tuuina atu ni manatu faaalua. Faaleleia ni faafitauli faatasi ma le peresitene o le siteki ma le pule o le faatautaiga o galuega.
- Faamalositia sootaga ma avanoa mo auaunaga ma faatautaiga a le Ekalesia ma faalapopototoga agaalofa i le lotofale.
- Tuuina atu se aafiaga faamisiona faamalietina ma suia ai. E aofia ai fonotaga po o faatasiga a faifeautalai, auaunaga i le malumalu, galuega fesoasoani, ma isi gaoioiga tuuafaatasi.

## Auala e Fesoasoani Atu Ai

1. Lipoti atu i lou Fitugafulu Eria. Na ia valaauina oe, ma e te tali atu ia te ia.
2. Galulue faatasi ma vavalalata ma au faufautua lagolago i le laumua o le Ekalesia.
3. Faailoa atu faalapopototoga i le lotofale ma faalapopototoga agaalofa e latalata i le faifeautalai. Galulue faatasi ma le faalapopototoga ma le Ofisa o Misiona mo Auaunaga e aumai ai le faamaoniga manaomia mai le Ekalesia
4. Aoa faamasani peresitene o siteiki ma isi taitai perisitua i le polokalama a faifeautalai o auaunaga. Fesoasoani ia i latou e saili ma faamalositia i talavou matutua o e, ona o o latou lu'itau faaletino, faalelagona po o le faalemafau, atonu e le o manatu ai e uiga i faifeautalai o auaunaga.
5. Faamalositia i peresitene o siteiki ma epikopo ia:
  - a. Valaaulia faifeautalai o auaunaga e lauga i sauniga faamanatuga i le amataga ma le faaiuga o a latou misiona.
  - e. Tuu atu i faifeautalai o auaunaga e tuuina atu se lipoti i le au fautua maualuga a le siteiki i le faaiuga o a latou auaunaga faafaifeautalai.
  - i. la faalauiloa aloaia faifeautalai o auaunaga i auala uma lava o loo aloaiaina ai se faifeautalai faamisiona. O lenei mea e tatau ona aofia ai le lolomiina o o latou suafa i autafa o faifeautalai faamisiona i luga o puletini ma luga o papama'a i faapaologa o falelotu.
6. Galulue soosootauu ma faifeautalai taitoatasi faapea foi ma lona aiga, epikopo, ma le peresitene o le siteki i le fautuaina atu o tofiga o le auaunaga. la fetuunai tofiga mo auaunaga i le gafatia atoa o le faifeautalai o auaunaga.
7. la mautinoa e fesoootai atu ia fesoasoani ua tofia mo le atinaega i faifeautalai o auaunaga, ma o loo latou taulimaina manaoga mo galuega e faatatau i le atinaega.

8. Faamalosia i faifeautalai o auaunaga ia auai i vasega a le inisitituti pe a avanoa, ia faia e le aunoa suesuega i tusitusiga paia, ma ia faatu se mamamu i le olaga atoa mo le atiina ae faaleagaga
9. Galue vavalalata ma peresitene o siteiki i le taulimaina o le suiga pe a toe tofia atu ni faifeautalai ua vave ona toe foi mai [i aiga] i se misiona mo auaunaga.
10. Fefautuaai e le aunoa ma le peresitene o le siteiki e uiga i le alualu i luma o faifeautalai taitasi o auaunaga.
11. Auina atu ni lipoti faalemasina o le tulaga faatausimea i le Ofisa o Misiona mo Auaunaga ma i lou Fitugafulu Eria.
12. Taulima mataupu tau i le taitaiga ma le Ofisa o Misiona mo Auaunaga (mo se faataitaiga, suiga o tofiga, siitaga, faaopoopoga, vave faamaloloina ma le avega i tua o le vave foi [i le aiga]).
13. Galulue faatasi ma taitai tupulaga o misiona mo auaunaga i semina i upegatafailagi, toe fetuunaiga o faifeautalai, ma le fesuaiga o faamatalaga.
14. Faasoa atu i lou toalua le tiutetauave o le tulaga faaletaitai o misiona mo auaunaga.

### Fesili?

- Faafesootai lau ulugalii faufautua lagolago. E avanoa i laua i le 24/7:
- Asiasi i le Vaega [Portal] a Faifeautalai o Auaunaga (pe a mae'a ona faatagaina oe). E tele fesili e taliina iina.
- Asiasi i le ChurchofJesusChrist.org/service-missionary

O LE EKALESIA A  
IESU KERISO  
O LE AU PAIA O ASO  
E GATA AI